

今獻彙言外集

平夏錄
平吳錄
北平錄
平胡錄
平定交南錄





漢書門			
三	一	五	三
九	四	三	八
冊	架	函	號

庫文閣內			
三		三	漢
七			

內閣文庫			
番號	漢	3153	
冊數	8	(7)	
函號	371	22	

射





平夏錄

平吳錄

北平錄

平胡錄

平定交南錄

淺草文庫



平夏錄
北平錄
平吳錄
平夏錄

[Faded text area on the right page, mostly illegible due to fading and bleed-through.]

平夏錄

東海黃標言

元政不綱群雄鼎沸蓋天命

聖人必先以驅除云爾蜀有明氏一曰諱玉珍玉珍一曰字隨州

玉沙村人也家世務農玉珍身長八尺目重瞳子鄉閭有

訟皆往質焉至正辛卯歲汝穎兵起玉珍乃團結里中人

屯于青山衆推爲屯長一曰爲巡司弓兵牌子頭明年

壬辰徐壽輝亦起於蘄黃癸巳冬十一月壽輝僭大號都

漢陽遣使招玉珍玉珍歸漢陽授元帥益兵俾鎮沔陽與

元將哈林禿連戰湖中飛矢中其右目人呼爲是眼子沔

陽連歲饑乙未春一曰王珍將斗船五十艘上夔府哨糧
時夷陵皆屬漢參政姜珏守之玉珍至巫峽買糧皆滿丙
申冬辰州人楊漢者元義兵元帥也以精兵五千屯平西
寨時行省右丞相完者都鎮重慶招兵丁酉春三月漢以
兵屯江北完者都誘漢來謁席間殺之欲併其軍麾下懼
且怒乃虜船下流適遇玉珍於巫峽訴其事且言重慶一
城並有左丞相哈林禿右丞相完者都西不相下郡無厚
兵可攻也玉珍猶豫未決萬戶戴壽等曰烏困投林人困
投人且公在沔陽為民也遠來覓糧亦為民也若分船為
二以其半載糧還沔陽以其半因漢兵攻重慶事濟則為

之不濟則歸無損也玉珍從之道路俄見斗船遠邇騷然
完者都夜遁果州生獲哈林禿父老迎玉珍入城玉珍禁
侵掠城中按堵如故四外降者絡繹不絕乃獻哈林禿于
漢陽是歲秋壽輝以玉珍為隴蜀省右丞戊戌春二月完
者都來自果州屯嘉定之大佛寺一名規復重慶玉珍使
義弟明二禦之明二者黃陂人也智勇過人玉珍寵愛之
妻以弟婦稱為明二一曰後復姓名曰萬勝明二攻嘉定
夜遣軍人陳夜眼緣城劫烏牛山城破惟大佛未下相持
越半載玉珍親率兵繼之旬日內潰入之趙資者行省參
政也與完者都平章朗革反同守嘉定明二陷嘉定時完

者都朗輩反先遁惟資守大佛明二執資妻于江岸以招
資資嘻曰痴婦不死何為汝不見平章婦乎平章婦者朗
輩反妻也城陷時赴水死語畢以強弩射殺妻復欲射其
子為衆所擁不得射已而大佛陷資亦遁三人者會于龍
州謀興復為遊兵執至重慶玉珍欲用之館之治平寺使
人諭意三人曰國破家亡析一速死爾玉珍猶欲生之時
傳趙參政兵將至三人者同斬于市即大十蜀人亦謂之
三忠玉珍乃以禮葬之初玉珍攻完者都時道出瀘州暮
宿于河下宣使劉澤民曰此間有劉禎者字維周官為大
名路經歷前元進士也能友章政事避青巾李喜亂入居

深山盍往見焉玉珍曰可與俱來澤民曰此可就見不可
屈致也明日遂往見之相與講論玉珍喜曰吾得一孔明
也邀至舟與議國事即舟中拜為理問官己亥遣使貢於
漢陽時友諒矯命使會兵建康明年庚子春友諒弒壽輝
自立王珍曰陳友諒倪文俊同在徐朝為臣子今弒逆予
當討之遂令莫仁壽領兵守夔關絕不與通為壽輝立廟
城南衆推玉珍為隴蜀王辛五夏四月以劉禎為參謀朝
夕侍講禎屏人從容說曰西蜀形勝之地東有瞿塘北有
劔門沃野千里自遭青中之虐民物凋耗明公撫養民辛
獲息人心之歸則天命可知且陳友諒弒主有立明公必

不肯聽命也若不稱大號以繫人心恐軍士俱四方之人
或思其鄉土而去明公孰與守取乎弗聽明日禎又言王
珍乃咨謀於衆以壬寅年春三月戊辰即位干重慶細月書三
五月自稱龍王五月國號大夏改元天統倣周制設六卿
即日以戴壽為冢宰萬勝為司馬張文炳為司空尚大亨
莫仁壽為司寇吳友仁鄒興為司徒劉禎為宗伯置翰林
院以牟圖南為承旨史天章為學士立妻彭氏為皇后子
昇為皇太子朝夕受學內設國子監教公卿子弟外設提
舉司教授生徒府置刺史州曰太守縣曰縣令去釋老二
教上奉彌勒夏定賦稅去其一農家無力役之征秋廷

試進士賜董重璧等八人及第餘出身有差置雅樂立郊
社之祭冬命司馬萬勝領兵攻刺踏坎普顏達史平章走
之天統二年癸卯春命司馬萬勝攻雲南由界首入司寇
鄒興由建昌入指揮芝麻李由八番入勝兵不滿萬皆以
一當十二月八日抵雲南梁王孛羅一名把都及雲南行省廉
訪官先二日走屯兵金馬山一曰皆鄒李不至遣使四
出告諭招安降者日至即遣侍中楊源表聞獲其象以獻
表曰聖德孔昭誕受維新之命王師所至宜無不服之邦
大軍既發于三巴踰月遂平乎六詔窮絕交賀遠通同歡
恭惟皇帝陛下勇智如湯文明協舜慨念中華之貴反為

左衽之流矧在位之貪殘致生民之困悒恭行天罰遂平
定乎多方禮順人情即進登千五位忝茲南詔鄰北西戎
藩公挾便宜行事之文專任檢人恣其饜餮守宰無恆心
愛民之意肆為虐政害彼黔黎下詔揚庭出師討罪初臨
烏撒蠻酋納款以供輸繼次馬隆敵衆望風而奔潰遂由
驛路踏入滇池士民冒雨以爭降官吏叩頭而請罪一毫
不染萬室皆安勝愧以庸才欽承威命凡此大勛之集斷
非小器之能皆聖人大庇之洪休抑諸將効勞於忠力深
入不毛臣愧偶同於諸葛誕敷文命帝德齊美于有虞此
鄙興所撰也夏四月梁王下王傳官大都領兵回哨援之

父至壽乃奏誅昭友仁入朝謝罪是年昇遣使來貢
太祖命侍御史蔡哲報聘因挾一史同往潛圖其山川險易
已酉大明洪武二年也

朝廷遣使入蜀未大木昇亦遣使來貢使還
上賜璽書答之曰朕歷觀古之有蜀者如公孫述劉備李特
王建孟知祥輩皆能乘機進取而善守之道未聞全天下
據此必圖所以善守可也朕連年出師所向皆捷諸將用
命故能成功遠勞致禮益見厚意因使者還姑以此復是
年冬十月

太祖遣湖廣行省平章楊璟招諭昇璟至蜀諭昇禍福使同

入覲昇牽於群議不能決環還復以書曉之其略曰足下以幼冲之資襲先人之業不咨至計而聽群下之議以爲瞿塘劔閣之險一夫負戈萬人無如之何此皆不達時變以誤足下何則昔之據蜀最盛莫如劉備諸葛孔明佐之訓練士卒財用不足取之南蠻然猶朝不謀夕僅能自保今足下疆揚南不過播州北不越漢中以此準彼相去萬萬而欲以陡絕一隅之地延頃刻之命可謂智乎我聖上以足下先人通好之故不忍加師數遣使諭意又以足下年幼未歷事變恐惑於狂瞽之說失遠大之利故復遣環面諭禍福深仁厚德所以待明氏者至矣足下可不

深念之乎且向者亂雄如陳友諒張士誠竊據吳楚造舟塞江河積糧過山嶽強將勁兵自謂莫敵然鄱陽一戰友諒授首旋師東討張氏面縛此非人力實天命也足下視此以爲何如禍福利害瞭然可觀逆順之圖在足下審之而已昇不能從洪武三年庚戌夏四月大將軍徐達遣裨將金興旺張龍由鳳翔入連雲棧合兵攻興元興元守將劉思忠知院金慶祥迎降達留興旺龍鎮守七月吳友仁寇興元興旺擊却之明日友仁復來攻興旺與戰面中流矢拔矢復戰斬首數百時城中守兵纔三千友仁兵三萬興旺遣間道走寶雞取援兵友仁乃圍城決濠填塹急攻

興旺嬰城拒守發礮擗石敵兵多死時徐達在西安得報
卽帥師還心益門鎖先令傅友德率兵三千徑趨黑龍江
夜襲木槽關攻斗山皆下遂令軍中人持一炬然于山上
友仁見列炬起大驚乘夜遁去是年又遣使假道攻雲南
戴壽不奉命又遣蔡參政招諭昇不從四年辛亥春正月
丁亥

上親祀上下神祇告伐明昇命中山侯湯和爲征西將軍江
夏侯周德興爲左副將軍德慶侯廖永忠爲右副將軍暨
棨陽侯楊璟都督僉事兼昇率京衛荆湘舟師由瞿塘趨
重慶潁川侯傅友德爲征虜前將軍濟寧侯顧時爲左副

將軍暨都督僉事何文輝等率河南陝西步騎由秦隴趨
成都諭和等肅部伍嚴紀律懷降附禁殺掠以王全斌事
爲戒戊子命來國公馮勝往陝西修城池衛國公鄧愈往
襄陽練軍馬運糧餉以給征蜀將士閏三月楊璟兵次夔
州大溪口先是蜀人自謂瞿塘天險遣莫仁壽守之以鐵
索橫斷關口聞王師臨境又遣戴壽鄒興飛天張益兵爲
固守計於鐵索外北倚羊角山南倚南城寨鑿兩崖壁引
纜爲飛橋三平以木板置砲以拒我師璟等攻之弗克是
月傅友德攻蜀階州克之先是友德陛辭
上密語之曰蜀聞吾兵至必悉其精銳東守瞿塘北阻金牛

以拒我若出其不意直擣階文門戶既墮腹心自潰兵貴
神速但患爾等不勇耳友德受命馳至陝集諸道兵揚言
出金牛潛使人覘知青州來陽空虛階文雖有兵壘而守
備單弱遂引兵趨陳倉選精兵五千爲前鋒攀緣山谷晝
夜兼行大軍繼之直抵階州蜀守將平章丁世真率衆來
拒友德擊敗之生擒其將雙刀王等十八人真遁去遂克
階州進至文州距城三十里蜀人斷白龍江橋以阻我師
友德督兵修橋以渡至五里關丁世真等復集衆拒險都
督同知汪興祖躍馬直前中飛石死友德怒奮兵急攻破
之世真僅以數騎遁去遂拔文州五月己未友德兵至漢

江不得渡乃令軍中造船有餘艘己卯船成將進兵欲以
軍事達湯和而山川懸隔適江水漲乃以木牌數千書克
階文綿州日日投漢江順流下六月壬午友德拔漢州枋
夏人聞王師至命戴壽吳友仁等悉衆守瞿塘以扼三峽
之險及聞階文破壽乃留鄒興飛天張守瞿城而自與友
仁還援漢州以保成都未至而友德舟師已逼漢川何
亨悉兵戰于成都友德選驍騎擊敗之既而壽等兵至友
德令諸將曰彼遠來聞何大亨敗衆已洶洶可一戰克也
乃迎擊壽兵大敗之遂拔漢州壽與大亨走成都臨江侯
陳德追擊又敗之獲其卒三千馬三百友仁走古城友德

乃以顧時守漢州自將擊古城又大敗其衆擒殺二千餘人友仁遁還保寧丙戌上聞湯和等駐兵大漢口欲候水平進師恐其逗遛失事賜璽書促之廖永忠聞命率所部先進和猶遲疑未決及得木牌于江乃自鹽山伐木開道由紙坊溪以趨夔州永忠兵至舊夔州鄒興等出兵拒戰永忠分軍為前後陳前軍既接後軍為兩翼旁擊之興等大敗明日復併兵攻之殺溺死者甚衆辛卯永忠進兵瞿塘關山峻水急而蜀人鐵索飛橋橫據關口舟不得進遂遣壯士數百舁小舟踰山度關出其上流人持糧帶水筒以濟饑渴衣青莎衣以象草木色魚貫出崖石間蜀人

覺也度其已至乃率精銳出墨葉渡夜分兩道一攻陸寨一攻水寨船頭皆鐵裹置火器而前黎明蜀人盡銳來拒永忠已破其陸寨矣俄而將士舁舟出上流者揚旗鼓譟齊下蜀人方大駭下流舟師亦進發火炮火箭夾擊大破之鄒興中火箭死飛橋鐵索皆斷擒其將蔣達等八十餘人斬首千餘溺死無算飛天張鐵頭張等皆遁去永忠入夔州明日湯和兵至永忠乃與和分道並進和率步騎永忠率舟師約會于重慶丙申傳友德進兵成都夏守金州九龍山寨平章俞思中率官屬軍民二千三百餘人詣友德降是日永忠舟師抵重慶次銅鑼峽昇等大懼或

勸昇奔成都昇母彭氏泣曰今勢成破竹兵民皆已膽落豈能効力驅之拒守死傷徒多終亦不免不如早降昇遂遣使詣末忠軍納欵末忠以湯和未至辭不受癸卯湯和至會末忠兵駐朝天門外是日昇面縛御壁與母彭氏及右丞劉仁等詣軍門降和受璧末忠解縛承制撫慰下令將士不得侵掠諭戴壽何大亨等家令其子弟持書往成都招諭遣指揮萬德送昇等并降表于京師七月庚申友德兵圍成都戴壽何大亨等出城拒戰以象載甲士列于陣前友德命前鋒以弩矢火器衝之象中矢還走友德壽兵死者甚衆友德亦中流矢會壽等得家書聞昇已

而室家並完皆無鬪志乃籍倉庫遣子納欵友德許之翊日壽等率其屬詣軍門降友德按兵自東門入得士馬三萬壬戌友德分兵徇州縣之未附者重慶知州尹善清拒戰友德擊斬之判官王柱革率軍民降夏亡初保寧城中有韓氏女年十七遭明氏兵亂慮為所掠乃偽為男服混處民間既而果被虜居兵伍中七年人莫知其女子也後從玉珍兵掠雲南還遇其叔父贖歸成都以適尹氏人皆異之稱爲韓負女乙丑明昇等至京師上命禮官定受降禮禮部按孟昶入來故事擬令昇等於午門外進表待罪聽宣制釋罪賜冠服引入丹墀聽宣諭

上曰明昇與孟昶不同昶專制國政所為奢縱昇年幼事由
臣下宜免其叩頭伏地上表請罪之禮是日昇及其官屬
朝見百官稱賀制授昇為歸義侯賜冠帶衣服及居第于
京師八月庚子湯和遣周德興會傅友德攻克保寧執吳
友仁械送京師蜀地悉平

平夏錄 終

平吳錄 元乘中國之弱入主天下迨其季世政益大壞歲饑
民窮四方共起延至江淮殆無完郡至正十三年癸巳正月張士誠起自泰州士誠小字
九四泰之白駒場民有弟三人曰士義士德士信並
以販鹽為業士誠頗有膂力重遲寡言市鹽諸富家
易之多肆凌侮或負其直不償有弓兵在義者尤屢
窘辱之士誠不勝忿即與諸弟及壯士李伯昇等十
八人殺義并素所凌侮者更縱火焚其居延燒數百

家自度不可已乃謀起兵入旁近場招集少年行至
丁溪為大姓劉子仁所扼多被殺傷士義中矢死於
是七誠憤怒必欲滅子仁子仁衆潰入海士誠兵勢
始振從者萬餘人三月乘勝攻陷泰州淮南行省告
變元以萬戶告身招之不受五月行省復遣知府李
齊諭降亦不聽齊且被留久之會其黨自相戕始縱
之歸未幾復殺叅政趙連遂陷興化結寨德勝湖他
日行省以左丞僕哲篤鎮高郵出齊守甯社湖俄有
數賊呼譟入城省憲官皆遁齊還城門已閉士誠遂
據高郵元知不能制詔赦其罪使至不得入士誠給

言請李知府來乃受命行省強齊往至則下齊於獄
齊辨說百端竟不能降且使齊跪齊叱曰吾膝如鐵
豈為汝屈士誠推碎其膝而高之人皆多齊之飾六
月元命淮南行省平章政事福壽擊之
十四年甲午正月士誠自稱誠王國號大周建元天
祐六月攻揚州元丞相達識帖睦爾率兵禦之皆潰
尋陷盱眙及泗州九月元命右丞相脫脫督諸軍擊
之兵至高郵戰於城外大敗其衆遂分兵西平六合
賊勢大蹙脫脫初以被譏出領兵俄有詔削其官爵
安置淮安士誠乘隙擊元兵大敗其勢復振

十五年乙未士誠據高郵六月其妻與子
十六年丙申二月士誠以淮東大饑謂惟吳中富庶
可以建國乃番兵守高郵由通州渡江入福山港時
福有曹氏富甲縣中衆肆攘掠一夕而空遂陷常熟
兵入婁齊二門鎮將脫寅率兵禦之郡人揚椿力戰
而死椿字子壽本蜀人來少師棟之後有文藝尚氣
節為脫寅館客因署叅謀分守婁門獨挺身禦寇鉞
交於胸罵不絕口死之明日其妻王氏哭往軍中覓
屍為賊所執不屈賊義而釋之其屍竟逆水抵張香
橋柱而得斂塋於虎丘之華當椿既死忽神附王氏

語曰後五日吾將取爾與男女去時男穎十五歲女
滿奴九歲皆無病及期妻與男女果同一日死人皆
異之又椿有門人陳普兵至其門使拜不屈且索婦
女普罵之亦被斃創死普字季周能詩脫寅畏賊避
匿於婁門十八營叢篠中為亂兵所殺當是時吳中
全盛甲仗錢穀如山守臣貢師泰輩棄之相率遁去
士誠既入郡城即承天寺為府推其佛像據坐大殿後
射三矢於棟上改平江府為隆平府立樞密院以所
親信徐義徐志堅與親軍李伯昇制軍事幕官韓謙
錢輔及王敬夫蔡彥文葉德新三人為參軍遣兵陷

湖州松江常州諸路初元猶與士誠降遣集賢待制
烏馬兒孫搆持詔往諭士誠反拘之一室迫使降搆
詎斥不絕及是徙吳中搆與士誠部將張茂先謀復
高郵語泄並被殺七月士誠攻杭州破之丞相達識
帖睦爾遁平章左荅納失里戰死初達識等屢敗於
賊或以為苗軍可用遂自寶慶招土官楊完者至右
軍十萬自嘉興引其黨及萬戶普賢奴擊敗士誠達
識乃還然苗軍性殘忍所過淫虐人愈苦之於是我
太祖高皇帝龍潛濠城有安天下之志先二歲自和州
渡江駐金陵與士誠接境數交兵是月士誠以

太祖初克鎮江遣舟師來攻徐達與戰於龍潭破之焚
其舟殺溺甚衆遂乘勝攻常州未下達營於甘露鎮
太祖遣人諭之曰士誠起於盜徒術務經紀詐出多端
久必有變鄰必有間倘有說客須沮其詐術困其營
壘達等乃益督兵攻圍其城未幾有鄭僉院者率甲
士七千叛入城中反來攻營常遇春引兵東壘擊之
大破其衆復攻圍
十七年丁酉三月達攻常州益急進薄城下士誠遣
其弟士德以數萬衆來援達遣元帥王玉伏兵以待
士德敗走玉令男虎子追之士德遇坎墜馬被擒之

太祖聞之喜曰士德有智勇為其兄謀主今為我擒張氏之成敗可知矣士德母痛失其子令士誠奉書請和願歲輸糧十萬石布萬疋及銀金等物永為盟信太祖初許之後再復書數其開釁召兵之罪且謂納我通逃之人拘我通好之使予之興師亦豈得已既已許給軍糧中更爽約今若果能再堅前盟給糧五十萬石歸我使者則常州之師即罷而爭端永絕矣士誠得書不報士德乃潛與士誠書俾降於元為助遂不食而死至是達等下其城初士誠將史椿守淮安見士誠不足事及諸將驕侈而左丞徐義更加譏毀

遣人賁書詣建康願歸順事覺被殺於是士誠復出兵寇嘉興屢為楊完者所敗乃以書請降詞多不遜完者欲納之達識以其反覆不許完者固勸乃承制假江浙廉訪使周伯琦叅知政事招諭之士誠始要王爵達識不許請爵為三公曰三公非有司所定亦不許完者又力勸達識外雖拒之實幸其降又恐忤完者意八月遂授士誠太尉七德淮南平章士信同知行樞密院事其黨皆授官有差而元以達識有招安功亦加太尉伯琦被留於吳士誠為造第宅于乘魚橋北厚其廩給伯琦日與諸文士以文墨流連因

亦忘歸士誠既受封始遷入府治雖奉元正朔而錢
穀甲兵自據如故
十八年戊戌
太祖命元帥費子賢總管張德守安吉築城固守士誠
出兵來攻副將廖永安與戰於太湖乘舟深入後軍
不繼為所獲士誠欲降之永安不屈遂拘囚之
太祖念其守義遙封楚國公後竟囚死
十九年己亥元自中原既亂江南海漕又不通京師
屢饑至是因河南始平九月乃遣兵部尚書伯顏帖
木兒等以御酒龍衣賜士誠來徵漕貢伯顏等至杭

州傳詔命方國珍具舟以運而達識總督其事既而
士誠慮國珍載粟不入京師國珍又恐士誠掣其舟
乘虛襲已互相猜疑伯顏往來開諭糧得入京者僅
十一萬石自是歲以為常初士誠之臣服於元也其
叅軍俞思齊實勸之既而士誠聽諛臣之言不漕貢
獨思齊語曰向為賊不貢猶可今為臣可乎士誠怒
推案仆地而入思齊知事不可為即棄官稱疾而隱會
稽揚維禎為作骨鯁臣傳云思齊字中季泰州人
二十年庚子士誠闢土益廣自紹興北至濟寧上下
二千餘里濠為

太祖發跡之地亦遣其將李濟據之

太祖欲取士誠謀於劉基基曰方今陳友諒據上游各

號不正兵力且強宜先取之友諒既平取士誠如探

囊中物爾

太祖用其言姑置之

二十一年辛丑

二十二年壬寅士誠俱據姑蘇

二十三年癸卯二月士誠遣其將呂珍入安豐攻來

劉福通等據其城

太祖率徐建常遇春親援之玠解圍去福通奉韓林兒

棄安豐退居滁州士誠兵復入安豐時廬州左君弼

出兵助玠亦擊敗而去七月士誠忌楊完者欲圖之

而達識亦厭完者驕肆不可制乃陰與定計舉兵圍

之完者及其弟伯顏皆自殺士誠遂遣兵據杭州朝

廷因以其弟士信為江浙行省平章政事而方面大

權悉歸張氏達識徒擁虛名而已至是士誠乃令其

部屬自頌功德末王爵達識恐逆其意被害乃請於

朝至再三不報士誠遂自立為吳王治宮室立官屬

其母曹氏頗有智識尊為太妃於是元遣戶部侍郎

李羅帖木兒復徵漕貢於士誠士誠以違其封王之

請遂不與海運始絕
二十四年甲辰八月士誠遂達識時右丞答蘭帖木兒即中真保二人受士誠金帛諂事之數媒孽達識之短至是士信使面數之勒其自陳老病去職二人又言丞相非士信不可即逼取符印遷於嘉興幽之而士信自為丞相士誠又諷行臺請實授王爵御史大夫普花帖木兒不從即使人至紹興索其印普花封其印置諸庫曰我頭可斷印不可與又迫之登冊曰可死不可辱也從容沐浴更衣與妻子訣賦詩二章乃仰藥死臨死擲楹地上曰我死矣逆賊當踵我

亡滅也後數日達識聞之歎曰大夫且死吾不死何為遂命左右以藥酒進飲之而死初普花為福建平章境內皆為諸豪所據不能有所施設及遷南臺又逼於士誠而死人皆惜之士信既自為丞相愚妄不識大體建築宅東城下號丞相府君民趨附之者輒得富

二十五年乙巳
太祖以士誠兵屢犯我境卒欲取之十月下令曰王者征伐應天順人所以平禍亂而安生民也張士誠假元之命叛服不常天將假手於我是用行師以致天

討况士誠啓釁多端襲我安豐寇我諸暨連兵構禍
罪不可逭今命大軍致討止於罪首在彼軍民無恐
無畏無加逃竄無廢農業已勅大將軍約束官軍無
致虜掠違者以軍律論罪布告中外體於至懷乃命
中書左相國徐達平章常遇春胡廷端同知樞密院
馬國勝左丞華高等率馬步舟師水陸並進先取淮
東諸郡縣剪士誠羽翼達出兵江口
太祖遣使諭以北方聲息且曰軍旅重事尤宜加慎如
獲張士誠將校遣來吾自處之達既趨泰州浚河通
舟師駐軍於海安壩上進圍泰州士誠援兵自湖北

來達擊敗之獲其元帥王成等四百餘人已而李院
判兵復自淮安來常遇春又擊敗之擒其萬戶吳聚
等百餘人因遣人諭降城中其僉院嚴再興副使夏
思忠院判張士俊拒守不下閏十月江陰水寨守將
康茂才報士誠以舟師四百艘出大江次范蔡港別
以小舟於江中孤山往來出沒無常疑有他謀請為
之備

太祖遣使諭達曰近得康茂才報吾度此寇非有攻江
陰直趨上流之計不過設詐疑我使我陸寨之兵還
備水寨我兵力既分彼時棄我水軍疾趨陸寨擣吾

之虛此寇一計也爾宜備之又聞常遇春深入使我
軍去泰州既遠彼必潛師以趨海安或泰州令我太
軍勢分首尾衝決不及救援此又寇一計也兵法制
人而不制於人爾宜審慮使至即令遇春駐師海安
慎守新城坐以待寇彼若遠來趨敵吾以逸待勞可
一戰而克泰興以南並江寇舟亦宜設法備之後四
日又諭達曰寇兵初駐范蔡港吾度其有計今觀望
猶豫不敢即出上流其為計益明然寇計不過欲分
我勢非有決然攻戰之謀宜遣廖永忠還兵水寨大
軍勿輕動此寇徘徊江上自老其師乘其怠慢此月

必克泰州泰州既克江北瓦解不戰自潰但宜謹備
之爾是日
太祖親至江陰康茂才水寨又以手書諭達等曰初予
聞爾等與寇相去甚邇為是馳至此恐有緩急相為
策應及至乃知不然今遣陳經歷去汝有所言即疾
馳來報予駐師以待後
太祖還建康達等遂克泰州虜其將嚴再興等獻俘命
人悉安置潭辰二州仍各賜衣一襲婦女亦皆賜衣
履鍼線布帛初衆自以抗拒必不免及得賜又妻子
完聚咸感悅拜呼萬歲而去泰州平達遣黃旗千戶

劉傑分兵徇興化進攻高郵士誠守將李清戰敗閉
城固守傑攻之不下有陳元帥者來援清傑擊敗之
十一月達進兵攻高郵
太祖恐達深入敵境不能策應諸將遣使即命同知馮
國勝帥所部節制高郵諸將俾達還軍泰州圍取淮
安濠泗諭達曰為將之道貴於持重進師攻取宜加
審察近聞提兵遠出深入重地此甚不可也若常平
章獨提偏師備寇江上即有緩急誰當為之應援者
宜還師泰州兼總馮國勝所部番兵萬五千人以取
未下州郡爾居中節制見可而進協和諸將一乃心

力以成大勛毋或輕動以失事機時李濟據濠州名
為張氏守而觀望未決
太祖曰濠為吾家鄉而吾失之是有國而無家也命右
相國李善長以書招之濟得書不報是月士誠兵寇
宜興命達令國勝圍高郵遇春守海安遣別將守泰
州而自以精兵援宜興達遂率兵渡江擊敗士誠兵
於宜興城下獲三千餘人十二月士誠兵寇安吉守
將費子賢擊却之達自宜興還兵攻高郵其守將俞
同僉堅守不下時士誠遣其左丞徐義入淮援高郵
義怨士誠以為陷已死地屯崑山之太倉三月不進

二十六年丙午正月士誠以舟師駐君山又出兵自馬馱沙汧流窺江陰守將以聞不詳其人太祖親督水軍及馬步軍往救之比至鎮江寇已焚瓜州掠西津而遁乃命康茂才等出大江追之別命一軍伏於江陰之山麓翌日茂才追至浮干門遇寇舟五百餘艘遮海口乘潮來薄我師茂才督諸軍力戰大敗之後十日達遣使請以指揮孫興守海口常遇春督水軍以為高郵聲援既可之復勅達曰爾所請策皆善前報彼軍事勢輕重不一及命平章請軍甚急蓋因其未嘗獨將料度未至如此安豐竹昌糧盡

將遁此不足慮士誠兵多有渡江者宜且收兵駐泰州彼若來攻海安擊之又諭達曰士誠由高郵嘯聚以有吳越高郵蓋其巢穴也大軍破之彼必來救今聞徐義兵已入海來援王保保亦將兵南來吾料王保保馬步必假道天長徐義舟師或由射陽湖或出瓠子角或出寶應以趨高郵二兵苟合不可不備通州有士誠從子號大眼張者乃疑兵必不敢出夫軍之勝敗在主將賢否王保保雖擁重兵然千里遠來其勢必弊徐義狠愎自用軍無紀律以我節制之師當之可以必勝爾但秣馬厲兵俟之已而王保保知

有備竟不至三月達自秦州進兵取高郵興化及淮
安遂拔高郵先是達拔宜興令馮國勝統兵圍高郵
士誠將俞同僉詐遣人來降約推女牆為應國勝信
之夜遣康泰率兵千人入城城上急下板閉之皆被
殺子自走太祖聞之怒即詔國勝回捷之令其步至高郵於是達
自宜興還益督兵往攻國勝憤甚令軍士齊登城一
鼓破之戮俞同僉等俘其將卒二千二百命以所俘
將士悉遣戍沔陽辰州仍給衣糧有妻子者賜夏布
五匹無者半之時俘至將士家屬多失實既分別發

遣乃責問達等仍遣國勝即軍中搜問凡虜人婦女
者皆以軍法治之高郵既下復令衆勝取淮安四月
達兵至淮安聞徐義軍在馬驛港夜注襲之義泛海
去俘其院判錢富善及卒三千舟師進薄城下其左
丞梅思祖副樞唐英蕭成籍軍馬府庫出降達宿兵
城上民皆按堵命指揮蔡似華雲龍守其城遂進兵
興化先是

太祖命圖淮東山川地形要害以進覽之見瓠子角為
興化要地令達以兵絕其險隘至是遂取之淮地悉
平復遣龔希魯潛注濠州說李濟并蕭把都把都亦

以城降遂議進兵浙西
太祖石中書省及大都督府臣謂曰張氏據姑蘇數侵
擾吾近地為吾境內之寇不可不討於是命諸將簡
閱士卒擇日啓行八月以伐張氏祭告大江之神曰
惟神奉天明命主宰大江鑒察無私代天行令予生
於濠梁乃庶民也曩因兵變遂列於行伍繼為總戎
歲月以來軍民既衆土宇益闢乃正王位建國曰吳
立業江南拓土廣疆滅強暴之國恤民養軍除貪汚
之政於茲十有一年矣今姑蘇張士誠據我東南之
境數來生釁伏聞古今以來民欲安聖人一民欲愁

伯者多予之與張不可多事於民並立以榮其身以
決雌雄以安黎庶然而剖判在手天用事在平人其
深淵巨峯淤淺河湖人力一時不能為者茲欲焚率
舟師由毘陵之境委曲通道進入太湖與張氏決戰
告神鑒知乃命中書左相國徐達為大將軍平章常
遇春為副將軍帥師二十四萬以行
太祖御戟門集將佐諭之曰古人立大功於天地間者
必因其時以行其志如伊尹佐湯以伐桀呂望佐武
王以翦商皆得其時而志在於天下蒼生也自大亂
以來豪傑並起所在割據稱名號者不可勝數江南

亂雄西有陳友諒東有張士誠皆連地千里擁衆數十萬吾介乎二人之間相與抗者十餘年觀二人所為其志豈在於民不過貪富貴聚洲藪劫奪寇攘而已友諒敗滅獨張士誠據有浙西北連兩淮之地賴諸將連歲征討克取兩淮今惟浙西姑蘇諸郡未下故命卿等討之卿等戒帥士卒毋肆虜掠無妄殺戮毋發丘隴毋毀廬舍聞士誠毋塗姑蘇城外慎無侵毀其墓汝等毋忘吾言諸將帥務在輯睦勿縱左右欺凌軍士凡為將之功必資士卒善撫卹之諸將皆再拜受命遂為戒約軍中事命人給一紙既又召達

遇春於西苑諭之曰今師行苟張氏全城歸命不勞吾師吾必全之若用師城破之日全其將士撫其人民無妄殺戮有可用者即選用之達等既受命將發又問諸將曰爾等此行用師孰先遇春對曰逐梟者必覆其巢去鼠者必塞其穴此行當直搗姑蘇姑蘇既破其餘諸郡可不勞而下矣

太祖曰不然士誠起盜徒與張天驕潘元明等皆強梗之徒相為手足士誠苟至窮蹙天驕輩懼俱斃必併力救之今不先分其勢而邊攻姑蘇若天驕出湖州元明出杭州援兵四合難以取勝若出兵先攻湖州

使其疲於奔命羽翼既疲然後進取姑蘇取之必矣
遇春猶執前議
太祖作色曰湖州失利吾自任心若先攻姑蘇而失利
吾不汝貸也遇春不復敢言已而
太祖屏左右謂達遇春曰吾欲遣指揮熊天瑞從行俾
為吾反間天瑞必降非其本意心常怏怏適來之謀
戒諸將勿令天瑞知之但云直擣姑蘇天瑞知之必
叛從張氏以輸此言墮吾計矣於是達等率諸軍發
龍江至太湖遇春擊敗士誠兵於誠州港口擒其將
尹義陳旺遂次洞庭進至湖州之毗山又擊敗其將

石清江海張士信駐軍湖上不敢戰而退熊天瑞果
叛去師至湖州之三里橋士誠兵分三路來拒參政
黃寶當南路院判陶子實當中軍右丞相張天驥自
當北路同僉唐傑為後繼達進攻之日有術者言今
日不宜戰遇春怒曰兩軍相當不戰何待於是達遣
遇春攻寶王弼攻天驥達自中路攻子實別遣驍將
王國寶率長鎗軍直扼其城寶敗走欲入城城下吊
橋已斷不得入復還力戰被擒并獲其元帥胡貴以
下官二百餘人天驥子實皆不敢戰歛兵而退士誠
又遣司徒李伯昇來援由荻港潛入城被圍伯昇及

天驕閉門拒守達遣國寶攻其南門自以大軍繼之
其同僉余得全院判張德義及陶子實出戰復敗走
士誠又遣平章宋暹王晟同僉戴茂呂珣院判李茂
及其第五子號五太子者率兵六萬來援號三十萬
屯城東之舊館築五寨自固達與遇春湯和等分兵
營於東阡鎮南姑蘇橋連築十壘以絕舊館之援李
茂唐傑李成懼不敵皆遁去士誠婚潘元紹時駐兵
於烏鎮之東為呂珍等聲援乘夜擊之亦遁遂填寨
河港絕其糧道士誠知事急乃親率兵來援達等與
戰於皂林之野又敗之虜其戴元帥及甲士三千餘

人九月士誠復遣其同僉徐志堅以輕舟去東阡鎮
覘我師欲攻姑蘇橋遇春遇之與戰會大風雨天甚
晦遇春令勇士乘划船數百突擊之擒志堅得兵二
千餘人是月

太祖又命朱文忠帥師攻杭州諭之曰徐達等取姑蘇
張氏必集兵以拒今命爾往杭州是掣制之也我師
或衝其東或擊其西使彼疲於應戰其中必有自潰
者爾往宜慎方畧士誠自志堅敗甚懼遣其右丞徐
義至舊館覘形勢將還報遇春以兵扼其歸路義不
得出乃陰遣人約士信出兵與舊館兵合力來戰士

誠又遣赤龍船親兵援之義始得脫潘元紹率赤龍
船兵屯於平梁復別乘小舟潛至烏鎮欲援舊館遇
春由別港追襲至平望縱火焚其赤龍船軍資器械
一時俱盡衆軍散走自是舊館兵援絕餽不繼多
出降者十月達以所獲將士徇於湖州城下城中大
震遇春兵攻烏鎮徐義潘元紹及苒院判拒戰不勝
退走遇春追至弁山遂攻破其平章王晟陸寨餘軍
奔入舊館之東壁其同僉戴茂乞降是夕晟亦降是
月朱文忠率指揮朱亮祖耿天壁攻桐廬降其將戴
元帥復遣袁洪孫虎畧富陽擒其同僉李天祿遂合

兵攻餘杭達復攻弁山水寨顧時引數舟繞士誠兵
船船上人俯視而笑時覺甚憚率壯士數人躍入其
船大呼奮擊餘舟競進薄之士誠五太子盛兵來援
遇春稍却薛顯率舟師直前奮擊衆大敗五太子及
朱暹呂珎以舊館降得兵六萬人遇春謂顯曰今日
之戰將軍之力居多吾固不如也五太子者士誠養
子本姓梁短小精悍能平地躍起丈餘又善浮水暹
珎亦善戰士誠倚之至是皆降士誠為之奪氣十一
月舊館捷至父老進賀
太祖曰此民之福也自此東南可定轉諭之勞亦可少

大魁矣父老汝諭百姓各力生業無作非義庶可共享
太平皆拜而出舊館既降達遣馮國勝以降將徇湖
州城下語李伯昇出降伯昇在城上對曰張太尉養
我厚我不忍背之抽刀欲自殺為左右抱持得不死
左右語之曰援絕勢孤父困城中不如降伯昇俯首
不能言其左丞張天驕總管陳昧以城降伯昇遂亦
降於是連引兵向姑蘇至南潯元帥王勝降進至吳
江圍其城叅政李福知州楊燹降是月朱文忠攻餘
杭下之初樞密院判謝再興為都督朱文正之妻父
分守諸暨與士誠連境士誠令呂玕離城數十里築

堰水發諸暨彼浸再興屢遣人潛決之
祖嘉其功以其次女嫁徐達俄詔回聽宣諭別遣叅
太軍李夢庚代守而令再興還受節制再興耻無權勢
出怨言且曰嫁女不令吾知何異給配以諸暨全城
軍馬叛投紹興先是再興弟謝五謝三共守餘杭文
忠遣人語謝五曰爾兄以李夢庚小隙歸於張氏非
爾謀也爾乃國之戚臣若降可保不死仍享富貴謝
五荅曰我誤計若保我不死我即降文忠許之乃與
弟恠五人出降文忠遂進兵杭州未至平章潘元明
懼遣員外郎方彞詣軍門請納款文忠曰吾兵適至

此勝負未分而即約降無乃計太早乎對曰此城百萬生靈所係今天兵如雷震當者無不摧破若軍至城下雖欲降恐無及故使彛先來請命文忠番之宿明日遣還報而駐兵以待元明即日以款狀來曰嬰城固守乃受任之當為歸款救民亦濟時之急務竊復自念起身草野叨位省樞非心慕千榮華乃志存平匡定豈意邦國殄瘁王師見加事雖貴於見機民寔同於歸義念是邦生靈百餘萬比年物故十二三今既入於賊方願溥覃乎天澤謹將杭州土地人民及諸司軍馬錢糧之數以獻文忠至杭州元明及同

僉李勝奉士誠所授行省及樞密院浙西江東兩道廉訪司印并執將英劉震出降伏謁道左以女樂導引忠叱去之進元明等宣

上命慰諭之禁戢士卒城中晏然凡得兵二萬糧二十萬馬六百匹執元平章丑的長壽等與將英劉震皆送建康并遣元明以下入朝既而紹興守臣同僉李思忠總管衛良佐以城降命駙馬王恭等守之左丞華雲龍率兵攻嘉興守將宋剛以城降及海寧州亦降達軍至姑蘇南鮎魚口擊守將賈義走之康茂才至尹山橋遇敵軍又擊敗之焚其戰艦千餘及

聚積甚衆達遂進兵圍其城達軍葑門遇春軍虎丘
郭子興軍婁門華雲龍軍胥門湯和軍閶門王弼軍
盤門張祖興軍西門康茂才軍北門耿棗文軍城東北
仇成軍城西南何文輝軍城西城四面築長圍困之
又架木塔與城中浮圖對築臺三層下瞰城中名曰
敵樓每層施弓弩大銃於上又設襄陽砲以擊之城
中震恐有楊茂者無錫莫天祐部將也善浮水天祐
潛令入城與士誠相聞邏卒獲之於閶門水柵旁送
達軍達釋而用心時城堅不可破天祐又阻兵無錫
為士誠聲援達因縱茂出入往來得其中彼此所遺

蠟丸書由是悉知士誠天祐虛實而攻圍之計益備
達時督兵攻婁門士誠出兵拒戰武德衛指揮茅成
左脇中又死成定遠人後贈東海郡公元平章丑的
長壽等至建康

太祖命右司給廩餼歸於元而誅蔣英於市以英嘗刺
殺胡大海叛投士誠命懸大海畫像刺英血祭之乃
復誅謝五等朱文忠以為前保其不死今復殺之何
以示信且恐後無降者
太祖曰謝再興是我至親尚投張氏情可恕乎兄弟悉
殲於市以潘原明全城歸附仍受平章官屬皆仍舊

職從朱文忠節制至...
大吳元年丁未夏...
太祖以士誠被圍諭以書曰蓋聞成湯放桀武王伐紂
漢祖滅秦歷代帝王之興兵勢相加乃為常事當王
莽之心隋之心失國豪傑乘時蠡起圖王業據土地及
其定也必歸於一天命所在豈容紛然雖有智者事
業弗成亦當革心畏天順人以全身保族若漢之竇
融宋之錢俶是也自古皆然非今獨異爾能順附其
福有餘毋為困守孤城危其兵民自取滅亡為天下
笑書至士誠不降六月士誠欲突圍決戰覘城左方

見軍陣嚴整不敢犯乃遣徐義潘元紹潛出西門掩
襲轉至閭門將奔常遇春營遇春覺其至分兵北濠
截其歸路遣兵與戰良久未決士誠復遣叅政黃哈
刺把都率兵千餘人助之又自出兵山塘為援塘路
狹塞不可進麾令稍却遇春撫王弼背曰軍中皆稱
爾為猛將能為我取乎弼應曰諾即馳鐵騎揮雙刀
往擊之敵衆少却遇春因率衆乘之士誠兵大敗人
馬溺死沙盆潭甚衆其有勇勝軍號十條龍皆倉夫
善戰者士誠每厚賜之令被銀鎧錦衣將其衆出入
陣中人不能測一時俱溺死萬里橋下已而倉夫復

有應募者亦戰死其妻某氏得其屍以綿裹骨者抱而投水以死是日士誠馬驚墮水幾不救肩輿入城計忽忽無所出降將李伯昇知其勢迫欲說令歸命乃遣客詣士誠門告急士誠召之入曰爾欲何言客曰吾乃為公興亡禍福之計願公安意聽之士誠曰何如客曰公知天數乎昔項羽暗鳴叱咤百戰百勝卒敗北垓下天下歸於漢祖何則此天數也公初以十八人入高郵元兵百萬圍之此時如虎落窰中死在旦夕一旦元兵潰亂公遂提孤軍乘勢攻擊東據三吳有地千里甲士數十萬南面稱孤此項羽之勢

也誠能於此時不忘高郵之危苦心勞志收召豪傑度其才能任以職事撫人民練師旅御將帥有功者賞敗軍者戮佚號令嚴明百姓樂附何持可保三吳天下可取也士誠曰足下此時不言今復何及客曰吾此時雖有言亦不得聞也何則公之子弟親戚將帥羅列中外美衣玉食歌妓舞女旦夕酣宴身被天下至美口甘天下至味猶未厭足提兵者自以為韓白謀畫者自以為蕭曹傲然視天下不復有人當此之時公深居於內敗一陣不知失一地不聞縱之亦不問故淪至今日士誠曰吾亦甚恨無及然則今當

何如客曰吾有一策恐公不能從也士誠曰不過死爾客曰使死有益於國家有利於子孫死固當然徒自苦爾且公不聞陳友諒乎跨有荆楚兵甲百萬與江左之兵戰於姑熟鏖於鄱陽湖友諒舉火欲燒江左之船天乃反風而焚之友諒兵敗身喪何則天命所在人力無如之何且今攻我益急公恃湖州援湖州失嘉興援嘉興失杭州援杭州又失今獨守此尺寸之城誓以死拒然竊慮勢極患生猝有變從中起者公此時欲死不得生無所歸故吾竊以為莫如順天之命自求多福令一介之使疾馳金陵桓公所以

歸義救民之意公開城門幅巾待命亦不失為萬戶侯况嘗許以賣融錢做之故事耶且公之地譬如博者得人之物而復失之何損士誠抑首沉慮良久曰足下且休待吾熟思之然卒狐疑莫能決也他日士誠復率兵突出昏門率戟鋒甚銳遇春禦之兵小却士誠方在城樓上督戰忽大呼曰軍士疲矣且止且止遂鳴金收兵遇春因乘勝奮擊大破之追至城下攻之益急復築壘逼其城自是士誠不復得出矣士信張煥城上擾銀椅與叅政謝節等會食左右方進挑未及嘗忽戰礮碎其首而死潘元紹出戰歸見事

急召其妾七人謂曰我受國重寄脫有不測宿誠若等宜自引决毋為人耻最少一妾段氏跪即請死遂入室自縊六人者亦皆相繼縊死元紹歛其屍焚之以骸骨瘞後園潯陽張羽為七姬權厝以表其烈云九月始蘇城圍既久熊天瑞教城中作飛礮以擊多所中傷城中木石俱盡至柝祠廟民居為礮具達令軍中架木若屋狀承以竹笆軍伏其下載以攻城矢石不得傷至是達督將士破封門遇春亦破閭門新寨遂帥衆度橋進薄城下其樞密唐傑登城拒戰士誠駐軍中內令叅政謝節周仁立柵以補外城傑知

不敵投兵降周仁徐義潘元紹及錢叅政皆降晡時士誠軍大潰諸將遂蟻附登城城遂破時八月辛巳也是日士誠猶使副樞劉毅收餘兵尚三二萬親率之戰於萬壽寺東街復敗毅降士誠倉惶歸從者僅數騎初士誠見兵敗謂其妻劉氏曰我敗且死矣若曹何為劉氏曰君勿憂妾必不負君乃積薪齊雲樓下及城破驅其群妾侍女登樓促其自盡令養子成保縱火焚之遂縊死士誠獨坐室中左右皆散達遣李伯昇至士誠所諭意時日已暮士誠拒戶自經伯昇决戶令降將趙世雄抱解之氣絕復蘇達又令潘

元紹以理曉之反覆數四士誠瞑目不言昇出封門
至舟中不食及至龍江堅臥不肯起及昇至中書省
相國李善長問之不語已而士誠言不遜善長怒罵
之

太祖欲全其生竟自經死賜棺以葬之年四十七有二
子皆幼城將破其妻劉氏以白金遺乳媪令負之而
逃不知所終凡獲其官屬李行素徐義左丞饒介右
丞潘元紹叅政馬玉麟謝節王原恭董綬陳恭同余
高孔內使陳基及諸將校杭湖嘉興松江等府官吏
家屬及外郡流寓之人凡二十餘萬并元宗室神保

大王黑漢等皆來建康熊天瑞伏誅先時有單大舍
者為揚州青軍單居仁之子領兵守宜興亦叛授士
誠

太祖令居仁招之不來及是生擒至

太祖命居仁自處居仁曰此不忠不孝之人當碎其肉
亦誅之始改平江路為蘇州府以何質知府事

太祖以城始克慮通州驚潰命泰州指揮孫興往取之
比至而達兵已至其守將張右丞即士誠從子所謂
大眼張者先以城降已而無錫莫天祐亦以城降初
天祐附士誠達屢遣使諭降俱被殺至是胡廷瑞等

攻其城州人張翼知事急說使降之於是吳地悉平
師還論功行賞封李善長為宣國公徐達信國公遇
春鄂國公達彩段表禮十一匹遇春十匹胡廷瑞馮
宗國各九匹湯和曹良臣各八匹廖永忠華高康茂
才七匹薛顯趙庸張興祖梅思祖各六匹指揮人五
匹千戶人四疋百戶人三尺軍人米一石鹽十斤
史官曰張氏擾吳建國愜然自王其事勢若甚易者
何哉蓋當四方擾攘民心之皇皇無所依歸能保障
之者亦可得以苟安也惟當時以游談之人濟之以
脆輒之卒上下遠豫遂忘遠圖終然以天兵一臨歎

北平錄

洪武元年秋七月征虜大將軍徐達副將軍常遇春
會諸將於臨清率馬步舟師進至通列元主聞報大
懼集三宮后妃太子同議避兵北行詔淮王帖木兒
不花監國慶童為左丞相同守京城夜半開建德門
出奔上都達等至齊化門外一鼓而克全城時上都
恃紅羅山為藩紅羅山恃上都為援皆不設備常遇
春使人覘知之即以銳騎銜枚具萬糧晝夜兼行八
月破紅羅山及上都元主遂遁去沙漠駐應昌府冬

十月捷至詔改上都為北平府二年故元將擴廓帖木兒以兵犯蘭州時元臣擁兵者皆次第降附惟擴廓帖木兒乘大軍之還復烏合其衆時為西北邊患自以家世封王故又名王保保三年春正月復命徐達為征虜大將軍李文忠為左副將軍馮國勝為右副將軍及鄧愈湯和等征沙漠此等語皆本史上問諸將曰元主遲番塞外王保保近以孤軍犯我蘭州其志欲僥倖尺寸之利不滅不已今命卿等出師則當何先諸將皆曰王保保之寇邊者以元主猶在也若以師直取元主則保保失勢可不戰而降也

上曰王保保方以兵臨邊今捨彼而取元主是忘近而趨遠夫緩急之宜非計之善者吾意欲分兵為二道一令大將軍自潼關出定西擣定西以取王保保一令左副將軍出居庸入沙漠以追元主使其彼此自救不暇應援况元主遠居沙漠不意吾師之至取之必矣事有一舉兩得者此是也諸將皆悅服受命夏四月徐達等兵至蘭州王保保時已引去達等乃追至定西大敗其衆斬首無算王保保遂棄走漠北五月李文忠等兵至應昌元主前一月已殂其太子愛猷識理達臘僅以數騎北奔去乃獲其皇孫買的里

八刺及其后妃寶冊等物悉送京師六月捷至中書
省上言宜獻俘太廟
上以帝王之後有所不忍止令其具本俗服見至日
上服皮弁御奉天殿百官具朝服侍班侍儀使引見行
五拜禮見皇太子行四拜禮后妃朝坤寧宮命婦具
冠服侍班禮畢俱賜以中國冠服并給第宅廩餼封
買的里八刺為崇禮侯誥曰昔帝王之有天下必封
前代子孫使作賓王家其來尚矣元失其政四海紛
爭朕以武功削平群雄混一區宇為天下主而買的
里八刺實為元之宗孫北者遣將北征爾祖已殂既

不敵投兵降周仁徐義潘元紹及錢叅政皆降時
士誠軍大潰諸將遂蟻附登城遂破時八月

八朝文武... 上親出勞於江上達等奉... 諸將各上平沙漠表達表曰乾坤宣五德之運歷數在於一人帝王開萬世之基功業超於百代于戈載戰文軌既同欽惟

克應昌爾乃來歸朕念帝王之後爰替古制錫以侯封爾其夙夜恭慎輯朕優禮之意以元主不戰而奔克順天命今殂特謚曰順帝且以其后妃不能耐暑况北狄但知食肉飲酪勅中書省臣務使其飲食居第適宜若其欲歸當遣還沙漠冬十一月徐達李文忠師還至龍江

皇帝陛下聖神合德文武成能天命所歸人心攸戴拯
黎民於塗炭沛霖雨於焦枯奮六師而江漢奠安揚
九伐而荆吳底定旋收淮甸遂畧中原齊魯十二之
山河兼旬俱下幽薊百年之腥穢一旦廓清既驅羶
毳之群遂復衣冠之治何我師之奏凱而彼孽之再
萌培克鞠愆敢寇攘於邊鄙乘間抵隙乃賊害於忠
良蜂蠆之毒豈可復遺熊羆之師惡容不舉臣等是
用祗承明詔恭行天誅爰以今年四月之中師至
定西之北逼虜營而築壘出峪口以陳兵將校懷敵
愾之心士卒奮超乘之勇霆驅電掣渠魁棄甲而遁

逃獸駭禽驚虜衆望風而降附吐蕃抱罕之列障無
不玉崩忙忽高昌之群酋悉皆面縛山川爲之輝震
草木爲之昭蘇壺漿之迎無思不服幅員之廣有德
必歸臣等仰遵廟笑之成聿獲大勲之集治平有象
適遭千載之期功德難名願祝萬年之壽是日禮成
達等退自西塔皇太子親王及文武百官各上表賀
次日

上躬詣郊廟大告武成命大都督府兵部錄上諸將功
績吏部定勲爵戶部備賞物禮部定禮儀翰林院撰
制詰以封功臣又次日

上御奉天殿皇太子親王侍丞相率文武百官列於丹
陛左右
上召諸將諭之畧曰汝等其聽朕今日定封行賞非出
已私皆倣古先帝王之典籌之二年以征討未暇故
至今日思昔創業之初天下擾亂群雄並起當時有
心於建功立業者往往無法以馭下故皆無成朕本
無意天下今日成此大業有非人力之所致是皆天
地神明之眷佑然而起兵以來諸將從朕被堅執銳
以征討四方戰勝攻取其功何可忘哉是用報以爵
賞其新附將帥之有功者亦如之其次第皆朕所自

定至公而無私如左丞相李善長雖無汗馬之勞然
事朕最久供給軍食未嘗乏闕右丞相徐達朕起兵
時即從征討四方推疆撫順勞動居多此二人者已
列公爵宜進封大國以示褒嘉余悉據功定封書云
德懋懋官功懋懋賞今日所定如爵不稱德賞不酬
勞卿等宜廷論之無有後言諸將皆頓首悅服遂頒
行爵賞封公者六人宣國公李善長授開國輔運推
誠守正文臣特進光祿大夫左柱國太師中書左丞
相進封韓國公食祿五千石信國公徐達授開國輔
運推誠宣力武臣特進光祿大夫左柱國太傅中書

右丞相進封魏國公食祿五千石綺帛各百疋開平
王常遇春子常茂封鄭國公馮國勝封宋國公李文
忠封曹國公鄧愈封衛國公俱授開國輔運推誠宣
力武臣特進榮祿大夫右柱國並食祿三千石綺帛
八十疋封侯者二十八人湯和封中山侯唐勝京封
延安侯陸仲亨封吉安侯周德興封江夏侯華雲龍
封淮安侯顧時封濟寧侯耿炳文封長興侯陳德封
臨江侯郭子興封鞏昌侯王志原封六安侯鄭遇春
封榮陽侯費聚封平涼侯吳良封江陰侯吳貞封靖
海侯趙庸封南雄侯廖永忠封德慶侯俞通源封南

安侯華高封廣德侯楊璟封榮陽侯原鐸封蘄春侯
朱亮祖封永嘉侯傅友德封潁川侯胡均美封豫章
侯韓政封東平侯黃彬封宜春侯曹良臣封宜寧侯
梅思祖封汝南侯陸聚封河南侯俱授開國輔運推
誠宣力武臣榮祿大夫柱國其食祿及綺帛各有差
並賜誥命鉄券乃詔天下曰曩者有元失馭海宇紛
爭朕自布衣奮身行伍覩群雄之無力遂率衆渡江
撫太平定建業選將練兵征討四方者幾二十年荷
皇天宗社之眷山川百神之助諸將効謀六軍用命遂
致華夏清寧蕃夷臣伏一統之業屬予一人今者班

師振旅定功封爵朕重念諸將士委身暴露艱苦之
狀欲加重賞則天下守鎮之兵及京師護衛之士不
下百萬而民之資力有限是用計倉庫之所儲度民
力之所具均其等第崇爵祿頒金帛以勞將臣仍稽
古制定勲爵俾其子孫世襲軍士則各賞銀十兩錢
六千文朕之此言通於天地昭布中外咸使聞知乃
大宴諸功臣宴罷因曰創業之際朕與卿等勞心勞
力艱難多矣今天下已定朕日理萬機不敢斯須自
逸誠思天下大業以艱難得之必當以艱難守之卿
等今皆安享爵位優游富貴不可忘艱難之時人之

常情每謹於憂患而忽於宴安然不知憂患之來常
始於宴安也明著能燭於未形昧者猶蔽於已著事
未形猶可圖之患已著則無及矣大抵人處富貴欲
不可縱欲縱則奢情不可佚情佚則淫奢淫之至憂
危乘之今日與卿等宴飲極歡恐天下定而忘其艱
難故相戒勉也明日魏國公徐達率諸將詣闕謝
上退御筆蓋殿賜達等侍坐從容燕語曰今成一統
之業皆汝諸功勞達等稽首曰臣等起自畝畝際風
土雲之會每奉成筵出師致討其次第如指諸掌及其
成功不差毫釐此天錫

陛下聖智非臣等能與也

上曰曩者四方紛亂群雄並起朕與卿等初起卿士本圖自全非有意於天下及渡江以來觀群雄所為強者不能自責剽者喜於戰鬪而皆無救人心徒為生民之患其張士誠陳友諒尤為巨嘉士誠恃其財富則侈而無節友諒恃其兵強則暴而無恩朕獨無所恃惟不嗜殺布信義守勤儉所恃者卿等一心共濟艱危故來者如歸嘗與二寇相持入者勸朕先擊士誠此亦一計然不知友諒剽而輕士誠狡而偽友諒之志驕士誠之器小志驕則好生事器小則無遠

圖故友諒有鄱陽之侵士誠切近友諒稍遠若先擊友諒則其所以與戰宜速吾知士誠必不能踰姑蘇一步以為之援也向若攻士誠則姑蘇之城併力堅守友諒必空國而來我將徹姑蘇之師以禦之是我疲於應敵事有難易此朕之所以取二寇固自有先後也二寇既除兵力有餘鼓行中原宜無不如志或勸朕盪平群寇始取元都無舉隴蜀皆未合朕意朕所以命卿等先取山東次及河洛者先聲既震函鄆自傾且朕親駐大梁潼關之兵者知張思道李思齊王保保皆百戰之餘未肯遽降急之非北走元都則

西走隴蜀并力一隅未易定也故出其不意及旆而
北元衆膽落不戰而奔然後西征張李二人望絕勢
窮故不勞而克惟王保保尤力戰以拒朕師向使若
等木下元都而先與之角力彼人望未絕困獸猶鬪
聲勢相聞勝負未可知也事勢與友諒士誠又正相
及至於閩廣傳檄而定區區巴蜀恃其險遠此持餘
事耳若等可以少解甲曹之勞矣於是達等皆頓首
謝

北平錄 終

平胡錄
嗚呼元政不綱久矣其亂亡之成實自順帝帝之至
元二年丙子廣東朱光卿河南捧胡首難光卿增城
人與其黨石昆山鍾大明聚衆作亂國號大金改元
赤符時惠州民聶秀卿亦稱兵與光卿合捧胡陳州
人以燒香惑衆作亂於信陽州破歸德鹿邑焚陳州
屯於杏田時四川合州人韓法師亦擁衆作亂稱南
朝趙王尋皆討平之四年戊寅漳州南勝縣人李志
甫作亂圍州城殺守將糊思監袁州人周子旺作亂

稱周王改年號亦敗滅五年己卯杞縣人范孟殺河
南平章廉訪官謀拒黃河作亂官軍討誅之又明年
辛巳改至正元年冬湖廣燕南山東兵皆起道州人
蔣丙何仁稱順天王而兵起者至三百餘處矣至丙
戌六年汀州人羅天麟陳積萬起靖州徭人吳天保
起殺湖廣右丞沙剌班衆至六萬明年丁亥冬則沿
江之兵皆起矣戊子八年台州方國珍始據有土地
元乃以官啖之辛卯十一年是歲徐壽輝稱帝於蘄
水國號天完改元治平壽輝羅田人與倪文俊鄒普
勝等以紅巾為號攻城畧地建都設官屬樂城人韓

山童以白蓮會燒香惑衆倡言彌勒佛下生潁州人
劉福通與杜遵道羅文素盛文郁王顯忠韓咬兒復
詭言山童實宋徽宗八世孫當主中國同以紅巾起
事既而山童就擒其妻楊氏及子林兒逃福通等奉
之功陷州郡衆至十萬而元不能制矣李二號芝麻
李者又與其黨趙均用彭早住攻陷徐州據之壬辰
定遠人郭子興與其黨孫德崖攻拔濠州據之至十
一月均用稱王而子興德崖屈已事之癸巳五月泰
州張士誠據高郵稱誠王十二月郭子興入滁州稱
王乙未十五年二月劉福通以韓林兒稱帝國號宋

改元龍鳳都毫七月我師克常州五月取寧國等路八月
陽二月張士誠據平江二月我師克金陵改集慶路
為應天府三月我師克常州五月取寧國等路八月
取揚州十二月隨州人明玉珍據成都戊戌十八年
三月我師取建德路五月劉福通奉宋主韓林兒都
汴梁路十二月我師取婺州己亥十九年三月方國
珍以溫台等三郡降於我秋八月劉福通以宋主走
安豐九月我師取衢州處州十二月陳友諒稱漢王
庚子二十年漢王陳友諒弒天完主徐壽輝稱帝於

采石改元大義都江州辛丑二十一年我師伐漢入
江州壬寅二十二年正月胡廷瑞以南昌降於我三
月明玉珍破雲南自稱隴蜀王明年己卯二十三年
春正月遂稱帝於成都國號夏改元大統是歲張士
誠稱天祐元年二月士誠將呂珍入安豐殺宋劉福
通我師擊走之七月漢陳友諒圍我洪都我
太祖帥師討之友諒敗死于理立張士誠自稱吳王是
歲陳友諒知院蔣必勝饒昇臣等復陷吉安甲辰二
十四年我
太祖建國號曰吳是歲漢主陳理德壽元年二月自將

伐漢理降漢土丙午二十六年三月夏主明玉珍卒
子昇立四月我師取淮安諸路九月取湖列諸路十
二月韓林兒卒宋土丁未二十七年我師取
太祖稱吳元年九月我師伐吳執張士誠以歸吳土十
月我師北伐定中原十一月頒戊申曆方國珍降我
師克燕元亡明年戊申為我師
太祖聖神文武欽明啓運俊德成功統天大孝高皇帝
姓朱氏國號大明都金陵改元洪武元年戊申歲正
月初四日也
宋宋主諱林兒姓韓氏陶九成記本李氏子鑠城人

也詭稱宋徽宗九世孫號小明王都毫國號宋改元
龍鳳元年寔至正元年乙未歲也偽詔畧曰蘊玉璽
於海東取精兵於日本貪極江南富誇塞北初宋廣
王走崖山丞相陳宜中走倭託此說以動衆土辰年
五月徙瀛國公子趙完普於沙州從御史徹徹之請
也時諸處兵起皆以亡宋為名故也又曰虎賁三千
直擣燕幽之地龍飛九五重開大宋之天先是至正
庚寅間參議賈魯當承平時銳欲立名以垂世首勸
丞相脫脫興屯田更鈔法明年辛卯夏四月復勸脫
脫求禹故道開黃河身任其事頗何起集亦美二十

六萬餘何夫多怨韓山童等挾詐陰鑿石人止開一
眼鑄其背曰莫道石人一隻眼此物一出天下反預
當河道埋之掘者得之相驚而從亂旬月之間衆至
數萬人山童者林兒之父也母楊氏山童祖父以白
蓮會燒香惑衆謫徒永平至山童倡言天下大亂彌
勤佛下生河南及江淮愚民翕然信之時潁州人劉
福通等與杜遵道羅文素盛文郁王頭忠韓咬兒復
倡言山童當為中國主同起兵以紅巾為號縣官捕
之急福通遂反山童被擒其事楊氏與林兒逃之武
安福通據成皋攻羅山上蔡真陽確山諸縣尋犯武

崔德破商州攻武關直趨長安三輔震恐元將察罕
帖木兒與李思齊連兵擊敗之三月毛貴攻破膠萊
諸州貴福通將也八月劉福通攻破汴梁遂分兵畧
地特關先生破頭潘馬長舅沙劉二王士誠趨晉冀白
不信大刀教李喜喜趨關中毛貴據山東其勢大振
冬十月白不信等破興元遂圍鳳翔為李察罕所敗
與李喜喜皆遁入蜀戊戌龍鳳四年至正十八年也
三月毛貴破濟南殺元右丞董搏霄初貴入據濟南
立賓興院選用故官分守諸路又於萊州立屯田三
百六十處特搏霄方駐南皮縣營壘未定遂死之搏

霄字孟起儒將也是月田豐破濟寧毛貴破薊州豐
退保東昌貴畧柳林逼畿甸元徵四方兵入衛五月
福通攻汴守將竹真出走乃自安豐奉林兒居之以
為都六月關先生破頭潘等分兵二道一出絳州一
出沁州踰太行焚上黨破遼州晉冀雲中鴈門代郡
烽火數千里遂大掠塞外諸郡而還十二月關先生
轉掠遼陽至高麗焚燬上都宮闕己亥龍鳳五年至
正十九年也夏四月趙均用殺毛貴績繼祖殺均用
繼祖貴黨也自遼陽入益都相為讎殺我八月察罕
帖木兒兵復汴梁福通復以宋主走安豐庚子龍鳳

六年至正二十年也夏五月陳友諒弒主稱帝辛丑
龍鳳七年至正二十一年也秋八月察罕帖木兒兵
入勝遣其子擴廓帖木兒擣東平復為書招豐及王子
誠皆降壬寅龍鳳八年至正二十二年也六月田豐
刺察罕帖木兒殺之初豐誠降察罕推誠待之數入
其帳中時以十一騎行至豐壘遂為士誠所刺蓋夙
謀也冬十一月擴廓帖木兒討田豐王士誠擒之取
其心以祭父執陳祿頭等二百餘人獻元京斬之癸
卯龍鳳九年至正二十三年也二月張士誠將呂珍
引兵攻破安豐殺福通據其城

太祖聞之率徐達常遇春往擊之珍大敗時廬州人左
君弼助珍又擊敗之珍君弼皆走三月關先生餘兵
復攻上都元將擊降之甲辰龍鳳十年至正二十四
年也春正月我
太祖建國號曰吳乙巳龍鳳十一年至正二十五年也
丙午龍鳳十二年至正二十六年也冬十二月宋主
昺丁未我
太祖稱吳元年至正之二十七年也葉子奇記小明王
下有劉太保者每陷一城以人為糧食人既盡復陷
一城其人至不道若此豈卽福通耶當時又有劉六

者知樞密亦豈嘗為太保耶
天完天完主諱壽輝姓徐氏一名貞一羅田人也至
正十一年辛卯冬十月僭稱皇帝國號天完都鄆水
改元治平元年先是瀏陽人彭和尚名翼號妖彭能
為倡頌勸人念彌勒佛號遇夜燃火炬名香念倡并
禮愚民信之其徒遂衆思欲為亂未有主也會壽輝
浴於監塘水中體有光怪衆皆驚異遂立為帝天下
應響壽輝本湖南人姿狀龐厚以敗布為業往來鄆
黃間然無他才能姿性寬縱權在群下建空名耳以
鄆普勝為太師兵陷饒州執魏中立陷信州執于太

本皆死之一云壽輝與麻城人鄒普勝等以妖術陰謀惑衆舉兵為亂亦以紅巾為號泰和志分注辛卯冬紅巾駐劄九江江西省進兵守禦壬辰至正十二年其治平二年也春正月陷漢陽郡十四日遣偽將丁普即徐明遠陷漢陽及興國府鄒普勝陷武昌曾法興陷安陸沔陽二月十一日陷江州總管李輔死之輔字子成汝寧人泰定丁卯進士及第與兄子秉昭俱死三月歐祥陷袁州陶九陷瑞州許甲攻衡州項普畧陷饒州敘州閏月十三日蕪黃紅巾自江州直抵廬陸攻破吉安鄉民羅明遠復之秋七月

襲杭州董搏霄復之遂復徽州九月陷吳興延陸冬十月陷江陰兵自星嶺徑抵餘杭縣七月初十日入杭州城四帥項蔡揚蘇一氏明慶寺一氏北關門妙行寺稱彌勒佛出世不殺不淫招民投附者署姓名於簿府庫金帛悉輦以去先是壽輝遣項普畧引兵掠徽饒猝至杭城中無備參政樊執敬禦賊死之時搏霄征安豐攻濠移兵來會七戰皆捷焚接待寺蕪兵多死偽將潘大翮梅元等俱降進克廣德蕪饒進逼徽州賊中有道士能作十二星霧者擒斬之首攻歙萬級徽州遂平十一月趙普勝周驥等據池陽

太平諸郡號百萬湖廣平章政事星吉募兵得三千
人進克銅陵復池州又復湖口鮮安慶圍克江州救
援不至中流矢卒祭已至正十三年其治平三年也
十二月元卜顏帖木兒及四寧王牙罕沙等合軍討
斡朮獲其官屬四百餘人誅之乙未至正十五年其
治平五年又龍鳳元年也春正月倪文俊復破沔陽
初威順王令其子報恩奴同元帥阿思監水陸並進
以討文俊至漢川朮淺文俊以火筏攻之報恩奴敗
死三月破襄陽五月文俊復破中興路元帥朮兒只
班死之六月我

太祖起兵取太平丙申至正十六年其治平六年又龍
鳳三年也九月陳友諒殺倪文俊初文俊專恣謀殺
壽輝不果奔黃州友諒乘釁襲殺之遂併其軍自稱
平章十二月明玉珍據成都玉珍為文俊守蜀文俊
死玉珍遂自據之蜀中郡縣皆附成至正十八年
其治平八年又龍鳳四年也春正月友諒破安慶左
丞余闕死之闕字廷心進士及笄城破自剄清水塘
死妻妾子女及甥皆死夏四月友諒破龍興己亥至
正十九年其治平九年又龍鳳五年也六月友諒遣
其黨王奉國攻信州屢為援兵伯顏不花的所敗

友諒弟友德攻城益急奉國穴地梯城陷之的斤戰
死的斤鮮于樞之甥也十二月天完主徙都江州友
諒自稱漢王初壽輝聞友諒得龍興欲徙都之友諒
不徙壽輝固引兵發漢陽至江州友諒設伏城西而
迎之壽輝既入伏發盡殺其部屬以江州為都居之
遂自稱漢王立府設官壽輝虛位而已庚子至正二
十年其治平十年又龍鳳六年也夏五月友諒殺天
完主於采石先是友諒率舟師犯太平挾壽輝以行
及太平失利急謀僭竊乃於采石舟中佯使人詣壽
輝前白事令壯士持鐵搗自後擊之碎其首死一云

壽輝既稱帝湖江浙三省城池多陷沒開蓮臺省於
靳春然不能制其下陳友諒既殺倪文俊遂率兵攻
金陵謀篡其位乃勒死於采石是年五月陳友諒
既弒壽輝改大義元年則天啓天定豈友諒已不用
治平矣

漢漢主諱友諒姓陳氏沔陽人也稱皇帝於采石國
號漢都江州改元大義元是年歲庚子元至正二十
年其天完治平十年宋龍鳳六年也友諒始起為縣
貼書兄弟四五人相從為盜而好兵初君倪文俊部
下時壽輝雖號為帝權皆在文俊文俊頗驕恣待其

下無恩友諒與其黨襲殺之其黨復謀殺友諒事泄見殺於是大權悉歸於友諒矣偽封漢王欲舉兵收金陵至采石稱帝而後下乃以五通廟為行殿仍以鄒普勝為太師張必先為丞相群下立江岸幕次行禮值大雨至畧無儀節既而攻金陵大敗而歸管江州為都辛丑至正二十一年其末龍鳳七年漢大義二年也秋八月我太祖伐漢友諒自龍江敗還張定邊復陷安慶我太祖令諸將帥舟師乘風溯流而上遂復安慶長驅向江州分舟帥為兩翼夾擊大破之友諒挈妻子夜奔

武昌其相胡廷瑞以龍興來降乃改為洪都府王溥以建昌吳宏以饒州歐普祥以袁州各率衆來見陳州陳龍吉安孫本立曾萬中皆來降壬寅至正二十二年其末龍鳳八年漢大義三年也三月明玉珍破雲南夏五月據蜀自王初王珍聞友諒執逆乃整兵守夔閬不與相通復立廟以祀壽輝自稱隴蜀王癸卯至正二十三年其末龍鳳九年漢大義四年蜀天統元年也春正月王珍稱帝改元天統秋七月漢主友諒圖洪都我太祖征之友諒敗死子理即位甲辰至正二十四年其

宋龍鳳十年漢德壽元年蜀天統二年也春正月我
太祖建國號曰吳自將伐漢漢主理降漢亡嗚呼金元
之際尚忍言哉秦諺有之楚雖三戶亡秦必楚予未
嘗不障泣於斯夫王者天下之義主也苟無富貴之
心而有康濟之勤斯舜禹之事已類不類不問可也
故曰舜東夷之人也文王西夷之人也又曰行一不
義殺一不辜而得天下不為也金元之際尚忍言哉
宋室不兢金人乘之以彼悍堅拉此柔脆宜有餘力
矣元之蹙金戰伐彌苦弓馬戈矛之間生民之幸不
為糜爛者幾何哉渡江之師一惟勇力是恃孰不憐

之殆庚申君之覆滅也嶺表首禍猶假大金卒以妖
民託宋亡之

天命真人神武不殺克成混一之功亦微有資於龍鳳
云者是可以觀人心之向往矣語云枯鷄穴蛇豈徒
以血氣然哉耶因偽僭以錄驅除抑以頌

聖人之興非偶然爾

平定交南錄
太宗文皇帝入正大統之初安南國王陳日焜為其臣
黎季犛所弒季犛詭姓名為胡一元子蒼為胡奕矯
稱陳氏絕嗣矣其甥請權署國事
上不逆其詐從其請未幾求襲王爵許之踰年陳氏孫
添平始從老樞遁至京愬其實季犛聞之懼遣使
上表請迎添平還以國末樂四年春遣使者以兵五
十人送添平歸達其境季犛伏兵殺之及使者
上聞之震怒諭群臣曰朕為萬國主蠢爾蠻夷乃敢為

平定交南錄

太宗文皇帝入正大統之初安南國王陳日焜為其臣
黎季犛所弒季犛詭姓名為胡一元子蒼為胡奕矯
稱陳氏絕嗣矣其甥請權署國事
上不逆其詐從其請未幾求襲王爵許之踰年陳氏孫
添平始從老樞遁至京愬其實季犛聞之懼遣使
上表請迎添平還以國末樂四年春遣使者以兵五
十人送添平歸達其境季犛伏兵殺之及使者
上聞之震怒諭群臣曰朕為萬國主蠢爾蠻夷乃敢為

不道以戕其主奪其國朕不正其罪如天道何既而
占城亦告其侵軼疆界強授以印服又聞其僭號大
虞紀年號蒼偽稱尊號李聲稱太上皇毀中國儒教
謂孟子為盜儒程朱為剽竊乃議與兵問其罪群臣
咸贊成之乃遣大臣告於
郊廟分遣近侍徧告天下山川秋七月癸未 制諭

太子太傅成國公朱能佩征夷大將軍印克總兵官
西平侯沐晟為征夷左副將軍新城侯張輔為征夷
右副將軍豐城侯李彬為左叅將雲陽伯陳旭為右
叅將

勅大將軍率右副將軍右叅將及清遠伯王友領驍騎
將軍朱榮等統兩京畿荆湖閩浙廣東西之軍從廣
西思明府憑祥縣進左副將軍率左叅將領都指揮
陳濬盧旺等統巴蜀建昌雲貴之軍從雲南臨安府
蒙自縣進以兵部尚書劉儁叅贊戎機刑部尚書黃
福大理寺卿陳洽給事中馮貴督餽餉於凡所過名
山大川脩祀事已酉出師
上親幸龍江禡祭將帥陪位受服惟謹訖事 駐蹕
江澣誓於衆曰朕命汝等奉行天討罪惟元克尚體
朕心毋克武毋殺降毋繫鞶老稚毋毀壞室墓雖一

草一木亦勿妄剪除違朕命者雖勞弗勩且底於罰能等頓首受命萬衆鼓舞登舟以行是年九月師次龍州大將軍遘疾以師授左副將軍十月庚子大將軍薨衆議軍機事重不容以緩請右副將軍代總其兵行大將軍事急驛以聞貴州將軍亦不上命輔就佩征夷大將軍印代能總兵且降昭尚書勅諭之曰昔太祖皇帝太祖皇帝命開平王常遇春為大將軍岐陽王李文忠為偏將軍率師北征開平王卒於柳河川岐陽王率諸將掃蕩殘胡終建大勳著若青史爾宜取法前代

以建萬世之功此定興忠烈王受命專征之始先是王與大將軍榜示黎賊父子大罪二十以明天討之意教李聲而殺其主以奪其國罪一况陳氏子孫殺之殆盡罪二淫刑以逞視國人如讎重歛暴征民不聊生罪三世本黎氏背祖更姓罪四既篡主位乃詐稱權罪國事以罔

朝廷罪五表請陳氏孫還以國及朝命使送之乃敢拒遏罪六殺國主孫罪七侵雲南之寧遠州七寨罪八殺土官猛慢虜其女徵其銀罪九威逼近邊土官致其駭散罪十侵廣西之祿州地界

罪十一擅據西平州殺土官罪十二占占城國王巴
的賴國新遭喪興兵攻其舊州格烈等地罪十三又
功板達即黑白等州掠其人民罪十四勒取占城象
百餘仍加兵不已罪十五占城既受

天朝章服輒偽造金印帶服逼使其受罪十六責占城
王惟知尊重中國而欲其以所事中國者事之罪
十七朝使送占城陪臣還其國以兵劫之於毘陵港
口罪十八既奉正朔又僭稱國號偽紀聖元紹成開
大年號罪十九朝貢不遣陪臣輒以罪人克使罪二
十初交人聞天兵南下固知所以既聞榜示咸知其

曲在彼及見榜末云待黎賊父子就擒之後選求陳
氏立之莫不延頸跂足以待王師之至王以十
月丁未至憑祥縣禱于入境并望祀其國中山川畢
論於衆曰

皇帝非利安南土地人民乃為黎賊害其國主震其黎
庶奉行天討以繼絕世甦民困命我等以弔民伐罪
丁寧告戒非臨陣不得殺人非稟令不許取物毋掠
子女毋焚廬舍毋踐禾稼爾等宜奉承

聖天子意以立奇功不用命者必以軍法從事無赦衆
皆懽呼用命是日大軍入坡壘閱揭前榜論國中吏

民以
朝廷伐罪弔民之意以招徠之王詢知坡壘以南由隘
番閔歷雞翎閔至芹站山箐深險林木陰翳且多溪
澗慮賊有伏先遣鷹揚將軍呂毅哨探及檄都督同
知韓觀營於坡壘脩道路繕橋梁督糧運戊申大軍
次丘温縣己酉哨至隘番閔賊衆二萬依山結寨毅
力拔之斬首四十級生擒六十餘人是日驃騎將軍
朱榮等亦破雞翎閔斬首六十餘級生擒十一人賊
聞二閔破其屯兵設伏者悉奔散壬子大軍次雞翎
閔癸丑次芹站是日先所遣鷹揚將軍方政將繫將

軍王恕等直抵富良江北岸嘉林縣是時左副將軍
西平侯亦自雲南蒙自縣進兵經野蒲壘入境都指
揮朱濬等奪猛烈閔俞讓等拔柵率隘隨處等陞駐
兵伐木造舟都指揮徐源孔斌等突出宣光江口奪
其海沕等沙左叅將豐城侯領兵渡其上游督都督
程達等中夜舁舟越山自間道以出洮水江縱火焚
賊舟遂奪富良江十一月乙巳西平侯統軍至三帶
州與王所遣都督朱榮會癸酉橫海將軍魯麟驃騎
將軍劉劄出拔因吾塞是日有偽三帶州僉判鄧原
南策州人莫遠等來降因詢降人知賊巢穴在東西

二都恃宜江施江富良江以為險自三江府施江南
岸拿圓山起由富良江南岸東下直至寧江又自富
良江北岸自海潮江由布江麻牢江直至盤灘困枚
山立木為柵又增築土城於多印隘樹柵立城連橋
接澗水百餘里又於富良江南岸緣江下木枝悉圍
中舟楫泊其內凡諸港汊可通舟處俱下拒木以備
賊聚衆屯守水陸者號七百萬蓋悉驅國中老幼婦
女以助聲勢非實然也大軍屯富良江北岸王以書
諭季犛曰予奉命討賊爾能戰則率衆於嘉林以待不能戰
命統兵來問爾罪爾能戰則率衆於嘉林以待不能戰

赴軍門以聽處分王意欲挑其急戰也會

朝廷遣行人朱勸賚

勅至諭黎賊以禍福及許其輸金五萬兩象百隻以贖

罪行人至其國季犛不出見以詭辭答曰文書比對

原發勘合不同此必非

上所遣又云兵已入境若兵回即貢否則自有其備王
知此

勅是欲以疑其兵而賊亦無改過悔罪之意乃移軍三

帶州屯箇招市口與左副將軍西平侯會議造船置

鏡以圖進取時賊有划船出沒江口王命魯麟夜昇

舟從上流下水奪其船斬首百餘級自是剋船不較
出沒王與西平侯議於上流渡江乃遣朱榮等於下
流十八里嘉林置舟筏為欲渡之勢以掣其勢賊果
分遣水軍於嘉林奪我舟榮等奪擊大破之十二月
己亥大軍與左副軍合勢王與西平議曰賊邊江立
柵勢逼地狹難以列軍惟多知隘城外沙灘上平闊
足以容軍然其城峻濠深守具無不備而外設坑坎
布竹籤賊所恃者此耳蠻人綿薄不耐苦不足慮也
今我攻具若雲梯仙人洞之類且備攻而取之易易
也乃召將士諭之曰汝等報

國成功在此一舉宜奮勇爭先以立奇功先登者不次
陞賞將士聞命無不踴躍乃議分地界大軍攻其西
南左副軍攻其東南己酉各列軍沙灘之上布置已
定別調軍距欲襲之處里許作欲攻勢以出賊不意
於是出 內府所製夜明火光火藥散軍士俾執之
有先登者然之及吹角為號是夜四鼓都督黃中率
官軍潛舁攻具越重濠抵城下用雲梯先附城都督
揮蔡福等數人先躡梯登城用刀亂砍賊眾驚呼城
上火齊明策應之士皆蟻附而上賊於城內列陣驅
象來衝我軍乃出 內府所製獅子像象馬見

獅欣驚畏顛慄又為鏡箭所傷倒回奔突賊潰亂自相蹂踐及官軍殺死者不可勝計大軍乘勝長驅明日追至拿圓山又明日循富良江南岸而下縱火焚緣江一帶木柵烟焱漲天辛亥直擣其東都克之王與左副將軍駐軍於城之東南給榜招諭吏民降者日以數萬計王召其父老諭以弔伐之意歡聲動地乙卯議遣左叅將豐城侯李彬右叅將雲陽伯陳旭伐其西都賊首聞多却破先已焚其倉庫携妻子遁於海島我軍至焚其宮室據其城池餘黨依天建山困枚山等處水陸據守及分遣靖遠伯王友都督黃

中都指揮柳璟等隨賊所在而征勦之自是年冬至明年春前後斬首三萬七千餘級時王番交州鎮間賊子黎澄聚舟黃江左副將軍左叅將領軍循富良江左右水陸並進次於木九江對岸下營辛巳賊船三百餘艘來犯我軍水陸夾擊賊衆大敗斬首萬餘級溺死者無筭二月乙巳王聞賊首遁於閩海口出魯江口與左副將軍會兵下膠水縣賊聞大軍至又遠遁大安海口王謂左副將軍曰賊聞大軍來不敢敵故潛遁他所以覘我動靜我若回軍交州番兵於鹹水關西岸番戰船守備彼必出閩海口以襲我我

俟其出水陸併擊之賊必成擒三月癸酉大軍回交
州甲午賊果犯鹹水閔報至乙酉王與左副將軍合
兵水陸並進賊以海船橫截江中而以戰船划船兩
岸齊進旣而登岸植木為柵王乘其柵之未成親督
精銳攻之都督柳升等亦率舟師來奮擊賊遂大敗
富良江水為之赤積屍數十里右叅將雲陽伯乘勝
長驅直抵悶海口黎賊父子間敗乘船遠遁於靈源
王諭諸將宜乘破竹之勢追勦殄滅乃回軍交州留
右叅將守鎮備禦黃江等處四月乙亥王與左副將
軍統軍由清化府倍道兼進調柳升魯麟上官莫遠

等分領戰船由水路窮追戊寅舟師至清化之磊江
賊衆聚船以拒升等擊敗之斬首萬餘級五月丁卯
王至濱州柳升等舟師來會途中降者相繼調知黎
賊父子遁於又安府之深江王議與左副將軍兵從
陸路柳升等率舟師由水路追賊壬申大軍至又安
府土油縣王從舉厥江東左路副將軍從舉厥江西
路進兵兩軍俱至盤石縣下營甲戌柳升率舟師至
奇羅海口與賊戰大敗之獲賊船三百艘餘船分散
賊首潛竄草野乙亥升所領軍士王榮胡等七人擒
賊偽上皇黎季犛黃中所領軍士李保保等十人獲

偽衛國大王黎澄丙子莫遽下土人武如卿五人獲
偽國主黎蒼及其偽太子芮干高望山凡黎氏親屬
俘獲無遺安南地悉平所得府州四十八縣一百八
十六戶三百十二萬五百家馬牛羊舟糧器械無算
遣都督柳升等獻俘關下露布以間先是
王等受命時詔令求陳氏子孫立之至是平定
王徧訪國中官吏耆老人等咸稱黎賊於己卯年殺
光泰王顓立其子頴而殺之遂篡其國前後殺其近
屬五十餘人及其遠族又千餘人血屬盡絕無可繼
立者請依漢唐故事立即縣知內地以復古王疏聞

上從其請乃於其地立交阯等處承宣布政使司都指
揮使司按察司分其地為十七府四十七州一百五
十七縣據其要害設衛十一設守禦千戶所三又於
交廣分界處如潼關衛例設丘温衛及坡壘隘番二
守禦所軍隸廣西民屬交阯以相制馭是歲
大詔天下以平安南復古郡縣之故并
勅有司為陳王贈謚凡其宗親為賊所害者各贈以官
又為之建祠立碑葺墳墓禁樵採各給戶三十凡黎
賊苛政暴斂悉皆除之擢用賢能優禮耆老賑恤窮
獨革去夷俗以復華風使秦漢以來之土宇陷於夷

欽者四百四十六年一旦復入中國版圖早詔布
天下文武群臣親王藩服咸上表稱賀六年春班師
入朝秋七月策功行賞進封王英國公西平侯黔國
公清遠自王友進侯爵都督柳升陞安遠伯餘擢官
六增祿有差
賜王誥券玉帶金帛命子孫世襲加祿米三千石既大
宴
上親製平安南歌以褒嘉之是年冬安南餘孽簡定作
亂定自稱陳姓本前陳舊官先已降附既而遁於大
安府與其黨鄧悉鄧銘阮師陳希葛等謀反偽稱日

南王既而僭號大越稱興慶年號
朝命黔國公克征夷將軍從雲南往征之久不能遏絕
廷議謂非王不可七年正月乃命王佩征虜副將軍
印往共勦之王以四月至南寧會兵五月入境王躬
督戰艦破孔目柵再破鹹子關斬俘無數賊退保黃
江乘勝擊之於太平海口賊竄又安偈江東冬十月
師至清化越四日生擒簡定於吉利柵之山并其黨
陳希葛等檻送
京師明年二月王還朝
上嘉勞之未幾簡定餘黨陳李擴復嘯聚僭稱重光年
號李擴乃簡定從子簡定為阮師等所廢而立李擴

定敗潛遠竄聞王班師復與陳景異等同反九年春
正月復授王前印往督師征之夏五月師次東閔六
月進兵賊聞王至以石填神頭海口三十丈許設巨
木以抗王督將士悉起其石以通舟楫賊懼立堡常
月江王戒衆曰此堡不足攻其山南險阻彼必設伏
以撓我乃使驍將率士兵搜山果得其伏者斬之遂
奪其堡賊遂遠遁王隨所至而追之賊或聚或散竟
莫得其要領時閔以東群盜蜂起所完者交州一城
耳蓋新設州縣軍衛太多吏人久外聲教樂寬縱不
堪官吏料率之擾往往思其舊俗一聞賊起相扇以

動賊首所至輒為之供億隱蔽以故賊潰復聚

朝廷屢下

詔招撫之授以布政使彼欲受

命制於其黨服而

復叛偽植王孫以復陳氏為辭大軍至則深入山海
避之軍退復出用是官軍不能成功王既蒞軍始大
明賞罰而諸將疲於奔走往往因循玩寇都督黃中
不用命王以軍法從事由是人人知懼不敢辭難避
險是時賊恃荷花海險謂我師不能渡於日麗海口
立堡以守之王率舟師自奇羅海口洋過荷花海口
直抵日麗賊焚堡而遁至荼倡江連進兵破之賊驚

曰天兵飛來也遂大潰奪其化口城謀知賊悉衆守
愛子江復追至其境賊復以象數十以為前敵列人
馬於後盡力以抗我師王戒將校曰擒賊在此一舉
機不可失乃鞭馬先進象伏突起王一箭落其象奴
再箭中其象鼻象叫號退走自蹂其衆乘勝擊之斬
艾僵什填滿山澗賊徒散遁邏蠻等處王悉分將領
隨處搜捕至邏蠻蒲幹等柵山徑崎嶇林箐陰密馬
不能前王乃下馬徒步履險兼程趨之士卒不能從
惟將校僅百餘人與賊遇殺數千人賊首陳季橫暨
其妻子皆就擒時十一年冬也明年班師還京

